

中國方志叢書·華北地方·第三六八號


據

清·李祖年修，于森逢纂
清光緒廿三年修，民國廿二年鉛印本

影印

山東省

文登縣志



成文出版社有限公司印行



10098440


文

登

縣

志

古陶邱張里元署



續修文登縣志序

民國壬申秋文登值兵燹之後膏盡髓枯瘡痍滿目古陶邱張公里元
奉命牧茲土秉清慎勤三字之經行召父杜母慈惠之政夙夜孜孜專
以撫綏安輯爲務不半載政平訟理苛細悉蠲一時之被德化頌神君
聲達四境公撫宇之餘念縣志爲一邑文獻攸關于孝廉霖逢所
志體例精嚴記載翔實尤堪信今傳後惟邑人所印行者帙數少
不敷傳觀乃倡議續印五百部并詔許馨叙其顛末以弁簡端許馨竊
維縣志一稱邑乘載一邑之事者也縣長卽古之知縣知一邑之事者
也以他邦人士一旦驟膺一邑民社之重果能於其沿革利弊風俗人
情一一洞悉靡遺否乎不於其沿革利弊風俗人情洞悉靡遺果能敷

化施政措置悉當否乎然則以知一邑之事之人其於載一邑之事之書不能淡然忽然漠不關懷者勢也他不具論即觀斯志之修起於光緒庚寅越八稔邑侯李公祖年蒞任始增刪訂正成爲定稿李公賢宰也垂四十年猶深去後之思推之如天啓志成於解公啓衷壬子志成

公沆王志成於王公一夔歐志成於歐公文解邵王歐諸公在文愛亦皆與李公相埒歷來之宰吾文者多矣顧志書之成何以獨出於解邵王歐李諸公之手其故亦可以深長思矣新志定稿迄今已三十六年簡斷編殘幾至湮沒雖經同人於壬戌之秋印行一次究以屬於公人倡辦僅以保存遺稿俾無散佚已耳不足謂爲完成也今幸我

公登高一呼羣山響應既竟李公未竟之志猶是解邵王歐四

...之心一髮千鈞於以永繫他日覩風土考掌故者按圖索驥不
...相求之無徵焉新志之幸歟吾文之幸歟不待小學之曉曉矣民
國二十二年歲在尚章作噩古天中節後邑人趙泮 謹撰

方 聖 界 京 朱 官

登縣志序

唐稱秋官小行人之職國有札喪凶荒師役禋事慶賀禍戾五物者治其事故及萬民之利害爲一書禮俗政事教治刑禁之逆順爲一書悖逆暴亂作慝猶犯令者爲一書札喪凶荒厄貧爲一書康樂和親安平

一書以反命於王以周知天下之故後世州縣志記兵凶災荒科舉

確輿也古人視天下猶一身血氣脈絡貫通不滯故坐於廟朝

而天下咸理後世分設州縣縣各設官一縣之血氣脈絡卽視乎縣官一人之身自元以後縣官改名知縣謂其於一縣之事無不知也知之而後可以治之不知則麻木不仁血氣脈絡皆病吾不知其何以治也宋神宗時江西某縣令入覲神宗問曰爾縣某山某城幾里該令茫然

無以對神宗曰某山天下之名山也人人知之爾獨不知遑知民間疾苦乎視其職而去之則縣官欲知一縣之事舍志書何據哉文登縣志創始於明之嘉靖戊申屢經修輯至道光己亥迄於今將及百年老成殂謝故籍散亡文獻無徵幾等杞宋邑中諸士慨然續修採錄掌故携

書院課讀之暇編纂成書以無力附梓度存高閣今諸紳欲用板以省財力適余以菲材授文登令余較閱數次增刪若干條溯其體例尙合採輯古書如晉司馬彪郡國志宋永初山川記唐之元和郡縣志宋之太平寰宇記元豐九域志范成大吳郡志元之齊乘明之王鑿古蘇志諸書邑中事實傳志碑銘詩文說部等皆散附各條之下以古來地志之例不僭用國史體裁不悖於古亦不謬於今頗稱完

何如
士者公餘之暇偶一披覽當知葦蕪海濕編戶數萬民風視古
昔何如人文視古昔何如原濕墳衍種植何如山嶽川澤生息何如民
間貧富何如人情醇漓何如出其學以經理之則不愧父母子民之責
矣不然方策空存供蠹魚之一飽何裨於政治何裨於百姓哉

緒二十三年歲次丁酉八月秋翰林院庶吉士 人登縣事武進李

文登縣志序

文登縣志創自明嘉靖戊申萬歷丁亥天啓丙寅續修者再清康熙壬子雍正乙巳歷經續修延至道光己亥百餘年矣一閱一修於嘉慶庚午而遺稿亡矣再修於道光丙戌而大略僅存遲之又久網羅放失補

或書蓋十得其六七耳孔子修春秋所見之世與辭所聞之世異辭

之世又異辭百餘年後墜緒茫茫諸事盡與世所聞與所傳聞

嗚呼難矣後五十餘年光緒庚寅邑紳畢世基叢慶山林輝健劉培選

深謀遠慮恐失今不修再蹈百餘年之故轍稟請邑侯許公源清屬予

緣逢秉筆續修其發凡起例暗與濂亭修志議合濂亭者曾文正公門

下士張裕釗也丁酉書成李公祖年爲之序未及梓行迄今垂三十年

僅有叢煜杲鈔本與稿本並存而邑人士爭相傳觀幾欲人挾一卷家
置一編何其不謀而同也歲壬戌邑人張國琪宋聯琨首先倡議印行
謂前賢評海內志書以康對山武功爲最吾不知是書視武功何如然
文獻攸關既不忍聽其束諸高閣徒飽蠹魚復不能如叢氏繕寫校讎
以本計惟措貲印行公諸同好不如是則無以饜邑人士傳觀之
遂與王燮理宋琳宋岱等議以售書之貲印書並云吾兩人赴書肆
估價校對資斧當自備誓不以口腹累人所需者印刷費耳同時襄辦
者則有宋嶠宋培乾賈雲鵬張新瀚趙泮馨宋肇城趙克昌傅可遵劉
序卿叢培桐公同宣布當蒙邑人士各表同情雖重貲弗惜也因取叢
鈔本與稿本參互攷訂疑必仍有訛舛之處且未敢遽以爲成書也

約於一髮以待後賢不令與荒煙蔓草同歸滅斯已耳其視庚
午丙戌志稿或求其片紙隻字不可復得或一二簡殘編流播人間
豈歐陽所云有幸有不幸歟抑推本其存亡絕續皆自於人歟今印
行在卽命序於明既前有李公序在明亦僅述其末弁諸卷首庶不
先後諸君苦衷而張國琪雖亦邑人蓋籍榮成一文登襟帶滄海崑
崙若屏障靈秀鍾毓代不乏人披閱是書亦可以觀感興起矣
序

入趙鼎九節序

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

一

文邑志書始自萬曆丁亥天啓丙寅一修康熙壬子再修越今五十餘年山海依然井疆仍舊而風氣聿新版圖日盛民物事爲之不變垂紳佩玉祥麟威鳳之士迭出於山巔水涯間潛德有光名標月旦孝子義

貞女節婦接踵而代生文武勲業之不齊政治因革之不一制度經
子其畧所爲天道變於上人事更於下足以傳後世光邑乘者
不知凡幾余以康熙丙申蒞文邑閱志卽欲重修以茲土凋敝責在牧
民先本後末權緩急分輕重次第敷施至於今十年事有成理爰進紳
士捐俸而脩輯之以疆域稽天地人之同異以建置攷都邑規模之廣
狹以學校徵重道敷教之得失以食貨核民物財用之煩減以典禮究

崇德尚賢之盛衰以官守驗文經武緯之謨猷以貢舉人物表賢才風俗之休嘉以藝文外志記文章政事山海怪異之無不備虛衷討論勿敢有成見也擇人纂輯勿敢徇私意也廣求輿論確訂事宜缺者增之繁者節之略者詳之舛者正之揆擇本於至公刪定衷諸正道期成信

之帙以輔黻議禮考文之休

天子留心方略清問民風東省自 大中丞至 郡伯時歷山陬海
濛之區觀風問俗所以興教化齊萬民者爲已至斯志十卷雖方隅之
事略或足以供博採乎惟是簿書之餘校讎雖嚴不無疎略閱是志者
開卷瞭然將後之視今亦猶今之視昔也雍正三年歲次乙巳年仲春

文登縣事北平王一夔撰

原序

粵稽誦訓一官以詔觀事形方各職掌正封疆九邱八索爲太平一統之先聲食貨五行迺阜物擾民之要術文登義仲寅賓之處樹鄆菲土之區不夜名城多風識景秦罷侯而爲齊郡漢建國以表東垂牟平長代異其名廓定清陽世更其制縣之由來遐哉邈已夫其因山得名

南平野彌望崇厓蔽霄東則成山太始之初以禮日爲西則匯城羸秦之代以輓粟爲崑崙峙靈於北鐵槎拱秀於南蜿蟺扶輿風氣清淑任土作貢徹田爲繹周原膺膺一易不易之地良耜耒千耦萬耦之耘倉廩實而知禮節衣食足而興絃歌登降揖讓見於鄉飲之時禮儀黷勸無非橫經之士長吏則龔黃召杜有父母之稱武衛則細柳